



partii naleraq

15 Maj 2019

UPA 2019/85

Akiliut atorlugu aningaasartuutit, ilassinninnermut aningaasartuutit kiisalu angalanermut aningaasartuutit ilassutitallit Naalackersuisutut sulinnermut atatillugu aningaasartuutit qaammatit pingasukkaarlugit tamanut takusassiarisalnissaat anguniarlugu Naalackersuisut siunnersuusioqqullugitpequneqarnissaannik Inatsisartut aalajangiiffigisassaattut siunnersuut. Siunnersuut saqqummiunneqassaaq UPA2020-mi.

(Inatsisartunut ilaasortaq Tillie Martinussen, Suleqatigiissitsisut)

Siunnersuuteqartoq Tillie Martinussen, Suleqatigiissitsisut qutsavigaarput.

Inuiaqatigiinni sumiluunniit ammasumik ingerlatsinissaq inuit amerlanerpaat isumaqatigissagaat ilimagissallugu uniorpallaarunangilaq, tassami inuiaqatigiit aningaasaataasa sapinngisamik eqqortumik atorneqarlutillu nakkutigineqarnissaat pissusissamisoorpoq.

Inuiaqatigiinni tamani aningaasanik nakkutilliinissaq sukkannernerulertariaqartoq Partii Naleraq isumaqarpoq. Imaangitsoq taamaallaat politikkimi suliaasaqarfiit nakkutigineqassasut. Inuiaqatigiit suliffeqarfiutigit ullumikkornit sukumiinerujussuarmik nakkutilliivigineqarnissaat ammanerulersittariaqaripput isumaqarlunnarpugut.

Inatsisartut allattoqarfiannit paasissutissat tamakkiisumik aamma paasineqarsinnaanerat kissaatigineqartoq ilaatigut eqqarsarnartoqartipparput sulisut eqqarsaatigalugit, tassami tamakkununga tunngasut kikkunnilluunniit paasiniarneqartalissappata tulluarpallaanngitsut isigaarput, taamaattumik paasissutissat pissarsiarineqarsinnaasut killeqarnissaat saneqqunneqarsinnaarpasinngilaq sulisut inuillu ataasiakkaat eqqarsaatigalugit.

Inatsisartunut aningaasartuutit inatsisartullu siulittaasuannut tunngasut paasiumaneqassappata massakut taamatut periarfissaqareerpoq takunninnissamut kissaateqartoqarpat, tamannalu massakut ajornartorsiutaanngitsoq takussutissaqareerpoq.

Taamatut oqaaseqarluta siunnersuut itigartipparput periarfissat atuutereermata pappiaqqanik takunninnissamut kissaateqartoqarpat ingerlaannartumik naammassineqarsinnaammat.